

東陵盜案彙編



東陵盜案彙編序

戊辰五月

高宗純皇帝裕陵

孝欽顯



德成紙店

皇后普陀峪定東陵被軍匪盜發遺骸暴露附身附

棺之物掠奪一空六月初事漸聞於天津上心

憂之而守護文報不至十七日既暮陳太傅得瀛貝

勒澤公等來書始悉慘狀上覽書大慟左右皆

感泣明日減膳變服望陵哭祭乃派少

保耆齡宮保寶熙侍郎陳毅前往查勘兼治善後事

宜旋派澤公所貝子往代祭告並會同辦理善

後至七月二十七日諸臣始回津復命據陳

各陵園皆殘毀不堪而高宗及

孝欽兩陵情形尤慘裕陵地宮原奉安

高宗純皇帝孝賢純皇后孝儀純

皇后梓宮凡三又耐葬皇貴妃三位自經此變

棺槨多所毀壞僅玉體一軀幸全而

高宗及其他后妃四位均係零骸且俱

德威紙房

浸於汙泥積水之中經諸臣數日清釐僅乃成殮

普陀峪地宮以內雖不若是之凌亂然

孝欽玉體至拋置破槲蓋中一切殮衣均被盜毀傷

心慘目與裕陵不甚懸殊變起時孫殿英正

踞馬蘭峪街譚温江韓大保則屯據陵中驅

逐員司禁斷行道而附近住戶忽一夜聞爆裂聲甚

巨自後驗之始知為該匪用地雷發陵之舉

耳聞目見異口同聲似此殘賊行為不獨皇室

子孫引為至痛不獨中國人民引為奇恥雖東西列

邦凡有血氣者莫不齊聲憤歎以為於人道國法軍

紀關繫極為重大皆惶惶焉有洪水猛獸之憂當道

諸公執法如山知必不容此巨憝元凶逍遙於法外

特鈔撮盜案首尾輯為斯編謹將皇室諸公與

當道往來函電各文冠於卷端以事證輿論二項次

列於後惟有識君子幸省覽焉編者謹識

謹案軍匪犯陵舉動固因員司盜賣祭器

德威錄

有以啟其覬覦之心然外間傳言軍匪由員司鈎引者則又係軍匪為減輕罪名起見有意造此訛謠非實情也守護員司而至於盜賣祭器其為不肖固不待言然苟非優待經費積欠多年致守護廉俸缺乏則員司雖無狀奚遽蹈此監守自盜之罪哉此亦論世之不可不察者也因附記之

醇親王等致閩總司令錫山養電
閩錫山覆刪電

陳寶琛等致閩錫山漾電

附陳夔龍等致胡嗣瑗養電

閩錫山覆寒電

醇親王等致閩錫山庚電

閩錫山覆冬電

陳寶琛等致閩錫山齊電

閩錫山覆冬電

醇親王等致閩錫山第一函

醇親王等致閩錫山第二函

事證

載瀛等致陳寶琛函

附蔣起雋函

和鈞呈報

東陵被盜情形文

載澤等致駐津辦事處函二件

載澤等查勘各陵寢殘毀情形單

耆齡

東陵日記

寶熙

東陵于役日記

陳毅

東陵道詩並註節錄

附錄

青島警廳呈送盜犯張厚政贓證文

杜孝穆呈報東陵被匪蹂躪情形文

郝省吾慈禧地宮視察記

郝省吾裕陵地宮視察記

劉人瑞東陵紀事

輿論

此類甚廣不及備載僅就所見錄之

東方學會王秉恩等致閻朱商快郵代電

德成紙店

陳伯陶等致閻錫山電

陳望曾等致譚延闓函

陳伯陶致譚延闓函

附啟一

又附陳厲人啟一

附錄

全國商會請各界主張根究盜陵案通啟

文化維持會請中央嚴辦東陵盜案電

天津日日新聞譯日報社論

東陵盜案彙編一

醇親王等致閩錫山養電

六月二十二日午後發
即陽歷七月二十日



德成紙店

太原閩總司令鑒據報

東陵被盜以

裕陵

定東陵發掘情形最為慘重當請北平

貴總司令部派兵保護並飭嚴緝案犯究辦經警備

張司令在北平城內破獲要犯譚溫江及代銷贓物

之鋪掌黃姓羣謂指日訊明盡法懲治稍足以伸悲

憤而做兇頑詎譚溫江忽經保釋全案轉送貴總司

令部辦理眾情不免惶惑清室尤切憂疑竊以

兩陵慘毀尸骨暴露葬物劫掠一空道路譁然人

人痛詫矧居屬籍哀疚何堪素仰貴總司令手奠平

津安良除暴似此窮兇極狼之巨犯必不為麾下所

寬容敢率宗人同聲呼籲萬懇台端迅電北平總部

務即拘傳譚犯歸案嚴訊黨羽跣緝逸犯一律處以

軍法並取獲贓物宣示大眾庶國紀以立民生以安

不獨清室迫切待命已也臨電哀哽立盼施行載灑

德威紙店

率載振等暨清室四十六族宗室全體人員同叩養

閻錫山覆刪電陽歷八月十五日即陰歷七月初一日

日界張園載先生並轉諸先生台鑒函電均誦悉東

陵被盜至深駭詫已電請中央選派大員訊辦並派

兵保護矣特復閻錫山刪印

陳寶琛等致閻錫山漾電六月二十三日即陽歷七月二十一日

北平閻總司令鑒驚聞東陵近被匪軍發掘

以裕陵定東陵情形最慘中外駭痛

物論譁然惟貴總司令執法如山除惡務盡如此巨

案必不稍寬合詞切懇嚴飭已獲重犯迅即歸案訊

究逸犯務期悉數弋獲盡法懲治以伸冤憤一面加

派得力軍隊駐陵專任保護以慰羣情立盼

施行不勝悲悚迫切之至陳寶琛朱益藩等七十五

人同叩漾

附陳夔龍等致胡嗣瑗養電六月二十二日即陽歷七月二十日

胡琴初鑒東陵慘案舐裂魂飛應由南北

遺臣合詞電請北平當局從嚴拿辦以寒賊膽力
 為保護以慰人心擬請殺老領銜由津酌發不勝
 切禱並乞代請 聖安陳夔龍夔麟秦炳直余
 肇康朱祖謀王乃徵王秉恩陳三立喻長霖章棫
 黃以霖葉爾愷吳慶燾同叩養此電轉呈殺老鈞
 酌
 閻錫山復陳寶琛等寒電 陽曆八月十四日即
陰曆六月二十九日
 陳殺菴先生轉朱陳諸先生均鑒漾代電誦悉東陵

被掘至深駭詫獲犯已電請中央派大員訊辦並由
 敵軍遣派得力軍隊前往保護矣特復閻錫山寒
 醇親王等致閻錫山庚電 七月初八日即陽
曆八月二十二日
 太原閻總司令鑒刪電誦悉 東陵慘案極感
 主持經已電明中央嚴拿逸犯報載青島破獲案犯
 三名取有贓證據供係孫殿英隨從兵此案確係孫
 殿英為現行正犯又據報譚溫江部團長馬福田實
 係同入地宮劫取葬物從犯各等語孫殿英馬福田

皆高級軍官竟敢為盜賊所不為應請嚴密指拿與
譚溫江一同歸案究辦以彰國紀而慰
先靈

無任哀懇載灃率清室王公宗室全體同叩庚

閻錫山復冬電陽歷九月二日即
陰歷七月十九日

日界宮島街張園載先生並轉溥誠諸先生鑒庚電
誦悉此案業奉中央命令組織高等軍法會秉公審
理已將大電轉致嚴切辦理矣特復閻錫山冬印

陳寶琛等致閻錫山齊電七月初八日即陽
歷八月二十二日

太原閻總司令鑒寒電誦悉聞中央已電交北平貴
總部組織高等軍事裁判嚴究此案極仰毅力主持
報載孫殿英為現行正犯馬福田為從犯均有確實
供證應請電飭嚴密指拿併譚溫江歸案究治以寒
賊膽而慰人心不勝懸盼陳寶琛朱益藩陳夔龍等
同叩齊

閻錫山復冬電同前

醇親王等致閻錫山第一函六月二十三日

閩總司令鈞鑒敬啟者清室

東陵向由民國政府

設鎮守使各一員派撥軍隊專司保護用意周洽感
激同深雖砍伐樹株偷竊物品等事時有所聞然陵
寢重地仍復安固如常近年以來政變迭出鎮守者
常不在署或軍隊縱橫占住室廬則守護者無容身
之地或土匪猖獗綁票騷擾則警衛者無駐足之區
任呼籲而罔聞思防維而乏術載等目擊情形蚤
夜焦灼是以旌麾莅止曾有迅簡鎮守使派撥軍隊

德成紙店

以資保護之請不意方蒙批飭旋據東陵守護員司
報稱各陵被匪蹂躪而裕陵普陀峪定東陵情形尤
重寶城發掘骸骨暴露附身冠服物品及地宮內陳
設各件盜去無遺驚聞之下推心泣血痛不欲生伏
思東陵地方遼闊工程堅固決非少數人所能動搖
必係大股軍匪憑仗利器始能肆彼貪心逞其兇燄
現聞各種物品市間已經發見若趕緊設法偵查不
難水落石出伏惟執事榮任以來日以除暴安良為

事輿情愛戴異口同聲况案情重大尤非尋常盜竊
可比再四思維惟有仰懇嚴飭文武員弁迅速跣緝
贓盜到案務期全數弋獲盡法懲治無令漏緝一面
仍求轉呈政府嚴訂兩陵保護辦法俾永遠遵守以
妥先靈而杜後患感銘之私實無既極不勝迫切禱
祈之至敬祈鑒核施行此致敬頌勛綏清室代表載
灃等率載振載洵載濤載瀛載澤載潤溥忻溥侗溥
緒溥鍾溥銳毓嶠毓彭全榮誠堃照煦寶熙暨四十

六族宗室人等同上

醇親王等致閣錫山第二函

閣總司令麾下敬啟者清室以

高宗純皇帝

裕陵

孝欽顯皇后普陀峪定東陵被現役軍

隊盜掘當派載澤等五人馳往

東陵收殮遺

骸查勘詳情曾向貴總部請護兵領護照隨同前往

並一面連電呼籲先後接准貴總司令寒電冬電謂

此案業奉中央命令組織高等軍法會秉公審理已

轉致嚴切辦理各在案現載澤等歸自東陵

據稱兩陵橫被盜掘情形慘重普陀

峪陵地宮內棺蓋橫擲於右后體即拋置其

中層有毀痕顯係攫取含珠所致其餘殉葬衣物劫

奪一空裕陵地宮內帝后

妃共奉安六棺其第四道石門係用炸藥轟毀右

扇已仆在扇欹而未傾即壓在帝棺之上其

棺蓋鑿一窟窿可容一人出入其餘棺木縱橫欹倒

白骨凌亂拋棄滿地穴內穴外悉是遺骸甚至支體

零星頭顱踏碎搜尋數日幾至不能成殮傷心慘目

尚有不忍盡言者此外文宗顯皇帝定陵

孝貞顯皇后普祥峪定東陵被掘有跡幸而未

成在裕陵隧道內檢得鐵尖鋤一具確為工

程營所用之物非農民所有旋在馬蘭峪街影照師

長譚溫江旅長韓大保本年七月七日告示各一紙

又在馬蘭峪街揭取軍長孫魁元本年六月間告示

旅長韓大保本年七月七日告示各一紙詢之土人
 陵戶僉謂 兩陵被盜發掘其工作積七日之
 久係從七月四日起至七月十日止 即陰歷五月十七日
至五月二十三日 其
 炸藥之暴發既為附近所共聞而其軍人至市中購
 取燃料人人腿脚均黏有地宮灰泥又為附近所共
 見可知譚溫江韓大保張貼告示之日正其盜掘
 兩陵之時先後事實證明毫無疑義又土人陵
 戶稱七月九日 即陰歷五月二
十三日 兩日 孫軍長夜間乘汽車

自馬伸橋至馬蘭峪亦為大眾耳目共見共聞之事
 而七月十一日 即陰歷五月
二十四日 譚韓兩部遂同時開拔西
 去儻非該軍師旅長預有計畫何以孫來正在掘陵
 喫緊之時韓柴同去又在掘陵完畢之時先後踪跡
 證明尤屬鑿鑿可據至譚軍在馬蘭峪擊散馬福田
 部為七月二日事 即陰歷五
月十五日 在七月四日 兩陵
 被盜開始發掘以前外間傳述譚溫江之言謂所售
 珠寶係得自馬福田之手者以日期先後核之彼雖

巧為掩飾實屬欲蓋彌彰以上各情皆據載澤等就地確切查明如此該軍長等明謀盜劫陵物竟悍然殘毀先朝遺骸雖東西各邦無不憤歎以為慘無人道至於此極況我同為中國之族其腐心切齒更何以堪現由貴總部遵令組織高等軍法會秉公審理此案夙知貴總司令除惡務盡執法如山自必翦彼兇殘以彰國紀特將查明詳細情形縷述奉聞惟乞大公之懷極力主持於案內已獲之譚溫江

等犯迅飭歸案嚴訊其餘要犯並即指名嚴拿到案究辦務使真相披露盡法懲治勿稍輕縱豈惟清室子孫感激零涕中外人士實企望之所有影照告示二件原寫告示二件軍用鐵鋤一件均係此案之確鑿證據茲特一併呈請存案備查伏乞鑒核迅予施行不勝悲憤迫切待命之至專此敬頌台綏計附送證物共件

